



漢書門

類	號	函	架	冊
〇	〇	三	一	〇

內閣文庫

漢	函
〇	〇

內閣文庫	
番號	漢 13010
冊數	120 (48)
函號	301 64




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





眩暈有患腹脹嘔吐眩暈用柴胡黃芩山梔紫
 蘇杏仁枳殼桔梗川芎當歸赤芍紅花桃仁四劑而
 定後又出血過多昏憤目黑用十全大補等藥而蘇
 時肌肉潰爛膿水淋漓筋攣骨痛薛切其脉浮而瀉
 沉而弱此因氣血耗損不能養筋筋虛不能束骨遂
 用養氣血之藥治之而愈有一患者杖瘡愈後失
 於調理頭目不清服祛風化痰等藥反眩暈服牛黃
 清心丸又肚腹疼痛杖痕腫痒發熱作渴飲食不思
 痰氣上升以為杖瘡餘毒復作診左尺脉洪大按之
 如無薛曰此腎經不足不能攝氣歸源遂用人參黃

失藥易辨

芪茯苓陳皮當歸川芎熟地山藥山茱萸五味麥門
炙草服之而尋愈後因勞熱渴頭痛倦怠少食用補
中益氣湯加麥門五味而痊

煩躁有一患者兩脇脹悶欲欬不欬口覺血腥徧身
腎腿脹痛倦怠不食煩渴脉大此血脫煩躁也與童
便酒及砒患處出瘀血糜肉甚多忽發熱煩躁汗出
投以獨參湯三劑少止又用補氣血清肝火之藥數
劑飲食稍進後用獨參湯間服諸證悉退飲食頓加
但不能多寐以歸脾湯加山梔竹茹四劑而熟睡因
勞心遂煩渴自汗脉大無力以當歸補血湯二劑而

安又以十全大補去川芎加麥門五味牡丹地骨麻
黃根炒浮麥數劑而汗止瘀肉且潰又二十餘劑而
新肉生 有一患者煩躁面赤口乾作渴脉洪大按
之如無薛曰此血虛發躁也遂以當歸補血湯二劑
卽止後日晡發熱更以四物加柴胡牡丹地骨黃蘗
知母治之熱退而瘡斂東垣云發熱惡寒大渴不止
其脉大而無力者非白虎湯證此血虛發躁也宜用
當歸補血湯治之裴先生云肌熱躁熱目赤面紅其
脉洪大而虛此血虛也若誤服白虎湯輕則危重則
斃 有一患者頭額出汗熱渴氣短煩躁骨痛瘀肉

不潰遂割去之出鮮血服芩連之藥益甚其脉洪大
而微此氣血俱虛邪火熾盛所致以四物加參芪朮
炙草少用柴胡炒芩二劑頭汗頓止又加麥門五味
肉桂二劑諸證悉退後用參芪歸朮炒芍熟地麥門
五味十餘劑瘀血潰而膿水稠矣但新肉不生以前
藥倍用白朮而斂 吳給事墜馬傷首出血過多發
熱煩躁肉瞶筋惕或欲投破傷風藥予曰此血虛火
動所致當峻補其血為善遂用聖愈湯二劑即安又
養氣血而瘡瘡 張進士季秋墜馬亡血過多出汗
煩躁翌日其汗自止熱躁益甚口噤手顫此陰血虛

陽火乘之而汗出為寒氣收斂腠理故汗不得出火
不得泄佛鬱內甚而益增他證也予用四物加柴胡
黃芩山梔四劑少止又用四物參芪軟柴胡五味麥
門治之而痊

發熱若出血過多或潰膿之後脉洪大而虛重按全
無此陰虛發熱也用當歸補血湯脉沉微按之軟弱
此陰盛發躁也用四君薑附若發熱煩躁肉瞶筋惕
亡血也用聖愈湯如汗不止血脫也用獨參湯其血
脫脉實汗後脉躁者難治細小者易治外臺秘要云
陰盛發躁欲坐井中用附子四逆湯加葱白王太僕

先生云凡熱來復去晝見夜伏夜見晝伏不時而動者名曰無火此無根之虛火也楊進士傷手指焮痛發熱服寒涼之藥致飲食頓減患處不潰薛用托裡養血之藥食進瘡潰後因勞每日晡發熱此陰虛而內熱也以四物軟柴胡地骨皮乃退更用養血氣之藥而瘡斂一男子墜馬腹有瘀血服藥下之致發熱盜汗自汗脉浮濇薛以為重劑過傷氣血所致投以十全大補湯益甚時或譫語此藥力未及而然也以前藥加炮附子伍分服之即睡覺來頓安再劑而痊舉人余時正金瘡焮痛出血不止惡寒發熱

用敗毒等藥愈甚此亡血過多氣無所附而然耳遂以四物黃蘗知母軟柴胡玄參五味麥門治之即愈一女子年十七閃右臂微腫作痛寅申時發熱薛決其膽經血虛火盛經水果先期而至先以四物合小柴胡湯四劑熱退更以加味四物湯加香附地骨皮山梔各伍分芩連炙草各叁分二十餘劑其腫亦消乃去黃連山梔又五十餘劑經水調而元氣充矣陽氣脫陷梁閣老姪跌傷腿外敷大黃等藥內服破血之劑遂致內潰薛針出穢膿叁碗許虛證悉具用大補之劑兩月餘少能步履因勞心手撒眼閉汗出

如冰或欲用祛風之劑薛曰此氣血尚未充足而然也急以艾炒熱熨臍并氣海穴處以人參肆兩炮附子伍錢煎灌良久臂少動又灌一劑眼開能言但氣不能接續乃以參芪歸朮四味共壹斤附子伍錢水煎徐徐服之元氣漸復飲食已進乃去附子服之而瘡愈

胃腹痛悶 跳躍掇胃悶挫舉重勞役恚怒而胃腹痛悶喜手摸者肝火傷脾也用四君柴胡山梔畏手摸者肝經血滯也用四物柴胡山梔桃仁紅花若胸脇作痛發熱哺熱肝經血傷也用加味道遙散若胸脇

作痛飲食少思肝脾氣傷也用四君芎歸柴梔丹皮若胸腹脹滿飲食少思肝脾氣滯也用六君加柴胡芎歸若胸腹不利食少無寐脾氣鬱結也用加味歸脾湯若痰氣不利脾肺氣滯也用二陳白朮芎歸梔子青皮若咬牙發搐肝旺脾虛也用小柴胡湯川芎山梔天麻釣藤鈎或用風藥則肝血益傷肝火益甚或飲糖酒則腎水益虛肝火愈熾若用大黃等藥內傷陰絡反致下血少壯者必為痼疾老弱者多致不起

作嘔 若因痛甚或因尅伐而傷胃者用四君當歸半

夏生薑或因忿怒而肝傷者用小柴胡湯加山梔茯苓若因痰火盛用二陳薑炒黃連山梔若因胃氣虛用補中益氣湯生薑半夏若出血過多或因潰後用六君子湯加當歸 有一患者痛甚發熱嘔吐少食胸膈痞滿用行氣破血之劑益甚口乾作渴太便不調患處色黯薛曰此痛傷胃氣所致遂以四君當歸炒芍軟柴藿香二劑諸證漸愈又用大補之劑潰之而瘳 有一患者發熱熾痛服寒涼藥更加口乾作渴肚腹亦痛自以為瘀血欲下之薛按其肚腹不痛脈微細而遲飲食惡寒此涼藥傷胃而然也急用六

君加芍藥當歸炮附子各壹錢服之前證益甚反加譫語面赤薛意其藥力未至耳前藥再加附子伍分服之即睡覺來諸病頓退而安 一膏粱之人跌腿青腫作痛服辛熱之藥反發熱作喘患處益痛口乾唇揭薛曰膏粱之人內多積熱更服辛熱之劑益其胃火而使然也頻飲童便以清胃散加山梔黃芩甘草治之頓止患處以葱熨之腫即消散 一婦人傷指手背俱腫微嘔少食彼以為毒氣內攻診其脈沉細此痛傷胃氣所致也遂刺出膿碗許先以六君藿香當歸而食進繼以八珍黃芪白芷桔梗月餘而瘳

跌撲傷損 外科

愈

嘔吐黑血加味芎藭湯 治打撲傷損敗血流入胃

腕嘔吐黑血如豆汁

芎藭

當歸

白芍藥

百合 水浸 壹日

荊芥 各貳錢

右作壹服水壹鍾半酒半鍾煎至捌分不拘時服

百合散 治打撲傷損敗血流入胃腕嘔黑血汁者

川芎

赤芍藥

當歸

百合

生地黄

側柏葉

荊芥

犀角

牡丹皮

黃芩

黃連

梔子

鬱金

大黃

右水煎加童便和服 大便利者去大黃

喘咳若出血過多面黑胸脹或胸膈痛而發喘者乃

氣虛血乘於肺也急用二味參蘇飲若欬血衄血者

乃氣逆血蘊於肺也急用十味參蘇飲加山梔苳連

蘇木 舉人杜克弘墜馬服下血藥反作喘日晡益

甚此血虛所致耳非瘀血為患遂以四物加參芪五

味麥門治之其喘頓止又用補中益氣加五味麥門

而愈此證果係瘀血蒸熏於肺而喘只宜活血行血

失業易員

小科六

百五

亦不可下。若面黑胸脹或膈痛作喘當用人參壹兩蘇木貳兩作一劑水煎急服緩則不治。產婦多有此疾。

二味參蘇飲 治出血過多瘀血入肺面黑喘促

人參 壹兩 蘇木 貳兩

右水煎服

十味參蘇飲 治氣逆血蘊上焦發熱氣促或欬血

芎藭血或痰嗽不止加黃芩山梔即加味參蘇飲

人參 紫蘇 半夏

茯苓 陳皮 桔梗

前胡 葛根 枳殼 各壹錢

炙甘草 伍分

右薑水煎服

作渴若因出血過多用四物參朮如不應用人參黃芪以補氣當歸熟地以養血若因潰後用八珍湯若胃熱傷津液用竹葉黃芪湯胃虛津液不足用補中益氣湯胃火熾盛竹葉石膏湯若煩熱作渴小便淋瀝乃腎經虛熱非地黃丸不能救。有一患者瘀血雖去飲食形氣如故但熱渴焮痛膈痞有痰以小柴胡湯加天花粉貝母桔梗山梔一劑少愈又加生地

歸尾黃芩柴胡山梔花粉而愈薛治百餘人其杖後血氣不虛者惟此一人耳

大便秘結若大腸血虛火熾者用四物湯送潤腸丸或以豬膽汁導之若腎虛火燥者用六味地黄丸腸胃氣虛用補中益氣湯

手足傷損若元氣虛弱或不戒房勞或妄行攻伐致成肉上延或腐而不痛黑而不脫者當大補元氣庶可保生若手足節髀斷去者無妨骨斷筋連不急剪去若侵及好肉則不治若預為調補脾氣則無此患大凡膿瘀內炊者即針之而投托裏散或口噤遺尿

而似破傷風者急用十全大補湯加附子多有生者

手足疼痛有一患者愈後腿作痛薛意膿血過多瘡

雖愈肝經血氣尚未充實而濕熱乘虛也遂以八珍加牛膝木瓜蒼木黃蘗防已炙草以祛濕熱養陰血痛漸止乃去防已黃蘗服之遂瘳

應痛丸治折傷後為四氣所侵手足疼痛者

破故紙 骨碎補 蒼朮

草烏 穿山甲

舶上茴香

右除草烏半斤用生薑壹斤搗爛同草烏一處淹

兩宿焙乾為末酒煮麪糊為丸如梧桐子大每服
五十九丸用酒或米湯送下忌熱物片時

乳香散 治打傷損手足疼痛不可忍者

乳香

沒藥各另研

白芷貳錢

肉桂伍錢

白朮

當歸各炒

粉草各伍錢

右為細末研勻每服貳錢不拘時酒調下

改傷風河間云風證善行數變入臟甚速歟生在反
掌之間宜急分表裏虛實而治之邪在表者則筋脉
拘急時或寒熱筋惕搐搦脉浮弦用羌活防風湯散

之在半表半裏者則頭微汗身無汗用羌活湯和之
傳入裏者舌強口噤項背反張筋惕搐搦痰涎壅盛
胸腹滿悶便溺閉赤時或汗出脉洪數而弦以太芎
黃湯導之既下而汗仍出表虛也以白朮防風湯補
之不時灌以粥飲為善前云乃氣虛未損之法也若
膿血太泄陽隨陰散氣血俱虛而類前證者悉宜大
補脾胃切忌祛風之藥詳見雜病第五有一患
者仲夏誤傷手腰背反張牙關緊急脉浮而散此表
證也遂用羌活防風湯一劑即解此證若在秋冬腠
理緻密之時須用麻黃之類以發汗此乃暴傷氣血

不損之治法也。有一患者杖處畧破而患此脉洪大而實此裏證也。用大芎黃湯一劑大便微行一次悉退。若投表藥必死。宜急分表裏虛實而治之。庶無誤矣。有一患者寒熱口乾用四物參芪白朮軟柴炒芩麥門五味四劑少退。薛欲砭去瘀血不從。後怔忡不寐飲食少思。牙關牽緊頭自疼痛惡寒發熱。此膿內凝也。遂砭去之。即安。以八珍棗仁麥門五味二十劑前證漸愈。又用前藥及獨參湯瘀肉漸潰。後因勞又少寐盜汗。以歸脾湯麥門五味遠志而痊。後牙關脹悶面目焮赤。又似破傷風。仍以爲虛。用八珍等

藥亦安。有一患者腹痛喘促作渴寒熱腎腿糜爛與瘀血相和。如皮囊盛糊。用童便煎四物桃仁紅花柴胡黃芩麥門花粉服之頓退。彼用黑羊皮貼之益甚。後砭去膿血甚多。氣息奄奄。唇口微動。牙關緊急。患處色黯。或欲用破傷風藥。薛曰此氣血虛而變證也。用參芪芎歸白朮并獨參湯人乳汁。元氣復而諸證愈。乃用十全大補湯調理而安。此證若膿瘀內焮者宜針之。若潰後口噤遺尿而類破傷風等證者。乃氣血虛極也。急用大補之劑。若素多痰患風證者宜清痰降火。若因怒而見風證者宜清肝降火。若人不

慎房勞而忽患前證此由腎水不足心火熾甚宜滋陰補氣血為主若誤作風證治之即死

羌活防風湯 治破傷風邪初在表者急服此藥以解之稍遲則邪入於裏與藥不相合矣

羌活 防風 甘草

川芎 藁本 當歸

芍藥各肆兩 地榆 細辛各貳兩

右每服伍錢水煎

防風湯 治破傷風表證未傳入裏急宜服之

防風 羌活 獨活

川芎各等分

右每服伍錢水煎調蜈蚣散服大効

蜈蚣散

蜈蚣壹對 鱧叁錢

右為細末用防風湯調下

羌活湯 治破傷風在半表半裏急服此湯稍緩邪

入於裏不宜用

羌活 菊花 麻黃

川芎 石膏 防風

前胡 黃芩 細辛

甘草

枳殼

白茯苓

蔓荆子各壹兩

薄荷

白芷各伍錢

右每服伍錢水煎

地榆防風散 治風在半表裏頭微汗身無汗不可

發汗無治表裏

地榆

防風

地丁草

馬齒莧各等分

右為細末每服叁錢米湯調服

大芎黃湯 治風在裏宜踈導急服此湯

川芎

羌活

黃芩

大黃各壹兩

右伍柒錢水煎溫服臟腑通和為度

白朮防風湯 治服表藥過多自汗者

白朮

黃芪各壹兩

防風貳兩

右每服伍柒錢水煎服臟腑和而自汗者可服若

臟腑秘小便赤者宜用大芎黃湯下之

白朮湯 治破傷風汗不止筋攣搐搦

白朮

葛根

升麻

黃芩

芍藥各貳兩

甘草貳錢伍分

右每服伍錢水煎無時服

譙甫硃砂丸 治破傷風目眩口噤不語手足搐搦
項筋強直不能轉側目不識人

硃砂 研

半夏 洗

川烏 各壹兩

雄黃 伍錢

鳳凰臺 叁錢

麝香 壹字

右為末棗肉丸桐子大每服壹丸或貳丸冷水下
以吐為度如不吐加壹丸或吐不往前葱白湯止
之汗出為効

左龍丸 治直視在裏者

左盤龍 野鴿糞也

白殭蠶

鯽 各炒伍錢

雄黃 壹錢

右為末燒飯丸桐子大每服拾伍丸温酒下如裏
證不已當用前藥末一半加巴豆霜半錢燒飯丸
桐子大每服加入壹丸如此漸加以利為度利後
服和解藥

江鰮丸 治破傷風傳入裏證驚而發搐臍腑秘澀

江鰮 剉炒

野鴿糞 炒

白殭蠶 各半兩

雄黃 壹錢

蜈蚣 壹對

天麻 壹兩

右為末作叁分貳分燒飯丸桐子大硃砂為衣壹
分入巴豆霜壹錢亦用燒飯丸每服硃砂者貳拾
丸入巴豆者壹丸漸加至利為度後止服前丸

養血當歸地黄散

當歸

地黄

芍藥

川芎

藁本

防風

白芷 各壹兩

細辛 伍錢

右依前煎服

廣利方 治破傷風發熱

括婁子 玖錢

滑石 叁錢半

南星

蒼朮

赤芍藥

陳皮

炒礞

黃連

黃芩

白芷

甘草 各伍分

右薑水煎服

右二方用竹瀝括婁實輩治破傷風熱痰脉洪者前方用南星半夏草烏川烏輩則治破傷風寒痰脉無力者

白丸子 治一切風痰壅盛手足頑麻或牙關緊急

口眼歪斜半身不遂等證

半夏 柒兩

南星 貳兩

川烏 去皮臍每錢各生用

右為末用生薑汁調糊丸桐子大每服壹貳拾丸

薑湯下

本事玉真散 治破傷風及打撲傷損項強口噤欲

失笑散

小兒

重

跌打損傷 外科

天南星 南星有防風風製其毒不麻人

天南星 湯泡 朱次 防風 等分

右為末先以熱童子小便洗淨瘡口拭乾摻之良久渾身作痒瘡口出赤水是効又以温酒調下壹錢如牙關緊急腰背反張用藥貳錢童子小便調服至死心頭微温者急灌之亦可救累効累効治打撲傷損腫痛傷風者

天南星 半夏 地龍 各等分

右為末用生薑薄荷汁調搽患處

急風散 治新舊諸瘡破傷中風項強背直腰反折

口噤不語手足抽掣眼目上視喉中鋸聲並皆治之

麝香 另研 伍分 硃砂 壹兩 生黑豆 貳錢半

草烏 叁兩半 燒存性

右為細末研勻破傷風以酒調壹錢不拘時服如出箭頭先用酒調壹錢就將此藥貼上箭瘡上如聖散 治破傷風止血定痛

蒼朮 陸兩 川烏 炮去皮 兩頭尖 炮各肆兩

草烏 炮去皮 防風 細辛 各貳兩半

白朮 川芎 白芷 各壹兩半

失業易員 外科

重

蝎稍

微炒

雄黃

各半兩

右為細末每服壹錢不拘時酒調下如損骨折乳香伍錢

一字散

治破傷風

金頭蜈蚣

壹條去頭足炙

草烏

天麻

各半兩

全蝎

壹錢

香白芷

叁錢

右為細末每服半錢如發熱茶清調下發寒溫酒調下不拘時服

發瘧仲景云諸瘧項強皆屬於溫又云太陽病發汗太多致瘧風病下之則瘧復發汗則拘急瘡家發汗

則瘧是汗下重亡津液所致有汗而不惡寒曰瘧瘧以風能散氣也宜白朮湯加桂心黃芪無汗而惡寒曰剛瘧以寒能澀血也宜葛根湯皆氣血內傷筋無所營而變非風也杖瘡及勞傷氣血而變者當補氣血未應用獨參湯手足冷加桂附緩則不救詳見雜病第五有一患者內潰針出膿三五碗遂用大補之劑翌日熱甚汗出足冷口噤腰背反張眾欲投發散之劑薛曰此氣血虛極而變瘧也若認作風治則悞矣用十全大補等藥而愈此證多因傷寒汗下過度與產婦潰瘍氣血虧損所致但當調補氣血為

善若服尅伐之劑多致不救。有一患者兩月餘矣，瘡口未完，因怒發瘡口出血，此怒動肝火而爲患。耳用柴胡、芩連、山梔、防風、桔梗、天麻、釣藤、釣甘草治之，頓愈。劉宗厚先生云：瘡有屬風火之熱，內作者有因七情怒氣而作者，亦有濕熱內盛，痰涎壅遏，經絡而作者，惟宜補虛降火，敦土平木，清痰去濕。

行氣之非 有一患者服行氣之劑，胸痞氣促，食少體倦，色黯膿清，此形氣俱虛之證也。先用六君、桔梗、二劑，胸膈氣和，後用補中益氣去升麻，加茯苓、半夏、五味、麥門治之，元氣漸復而愈。若用前劑，戕賊元氣多。

至不救

下血之非 有一患者去其患處瘀血，用四物、柴胡、紅花治之，焮痛頓止，但寒熱口乾，飲食少思，用四物、白朮、茯苓、柴胡、黃芩、花粉、四劑，寒熱即退，用六君、芎歸、藿香，而飲食進，腐肉雖潰，膿水清稀。以前藥倍用，參、芪、歸、朮、茯苓、二十餘劑，腐肉俱潰，膿水漸稠，俟眼、下藥、壹、鍾、連、瀉、四、次、患、處、色、黯、喜、其、脉、不、洪、數、乃、以、十、全、大、補、倍、加、肉、桂、麥、門、五、味、數、劑、肉、色、紅、活、新、肉、漸、生、喜、在、壯、年、易、於、調、理、又、月、餘、而、愈、否、則、不、救、凡、杖、瘡、跌、撲、之、證、患、處、如、有、瘀、血、止、宜、破、去、服、壯、元、氣、之、

劑蓋其氣血已損切不可再用行氣下血之藥復損脾胃則運氣愈難營達於下而反為敗證怯弱者多致大枉

寒藥之非有一患者腫痛敷寒涼之藥欲內消瘀血反致臀腿俱冷瘀血併胸腹痞悶薛急去所敷之藥以熱童便酒洗患處服六君木香當歸傳回陽膏腎腿漸溫又以前藥去木香加川芎藿香肉桂四劑瘀血解乃刺之更以壯脾胃養氣血得痊蓋氣血得溫則行得寒則凝寒極生熱變化為膿腐潰深火血氣既敗肌肉無由而生欲望其生難矣 雲間曹子容

為室人中風灌藥誤咬去指半節焮痛寒熱外敷六黃等藥內服清熱敗毒患處不痛不潰膿清寒熱愈甚薛曰此因涼藥遏絕隧道而然也遂敷玉龍膏以散寒氣更服六君子湯以壯脾胃數日後患處微痛腫處漸消此陽氣運達患處也果出稠膿不數日半指潰脫更服托裏藥而斂 上舍王天爵傷足焮腫肉熱作渴外敷內服皆寒涼敗毒患處益腫而不潰且惡寒少食欲作嘔吐薛曰此氣血俱虛又因寒藥凝結隧道損傷胃氣以致前證耳遂用香砂六君子芎歸炮薑外證悉退惟體倦哺熱飲食不甘以補中

益氣湯加地骨皮五味麥門治之而愈 州守王廷
用傷指即用帛裹之瘀血內潰焮腫至手薛謂宜解
患處以出瘀血更用推陳致新之劑不信乃敷涼藥
痛雖少止次日復作又敷之數日後手心背俱潰出
瘀穢膿水尚服敗毒之劑氣血益虛色黯膿清飲食
少思仍請予治投以壯脾胃生氣血之劑由是膿水
漸稠而愈

不之之非有一患者發熱煩躁用四物黃芩紅花輭
柴山梔花粉煩熱已清瘀血深蓄欲針出之不從忽
牙關緊急患處作痛始針去膿血即安用托裏養血
新肉漸長忽患處瘙痒此風熱也用祛風消毒之劑
而痊

不補之非有一患者腎腿脹痛發熱煩躁刺去瘀血
脹痛少寬熱躁愈甚此血脫邪火旺而然也急用獨
參湯補之少愈又以健脾胃養氣血藥治之腐肉漸
潰遂愈大抵此證宜預調補以顧收斂切不可伐其
氣血不行補益以至不能收斂矣

凡湯火傷急向火灸雖極痛強忍一時即不痛慎勿
以冷物塌之及井底泥傅之使熱氣不出爛入肌肉
丹火燒以好酒洗之又以鹽傅其上如皮塌者以酒
熬牛皮膠傅之如湯傷以淋過第二次灰查傅立
安熱酒傷糯米粉炒黑末酒調傅之治湯火灼
未成瘡者用艾白根燒灰雞子黃和傅之如成瘡用
白蜜封之以竹中膜貼上日二

湯火瘡 灸瘡

初反治

凡湯火傷急向火灸雖極痛強忍一時即不痛慎勿
以冷物塌之及井底泥傅之使熱氣不出爛入肌肉
丹火燒以好酒洗之又以鹽傅其上如皮塌者以酒
熬牛皮膠傅之如湯傷以淋過第二次灰查傅立
安熱酒傷糯米粉炒黑末酒調傅之治湯火灼
未成瘡者用艾白根燒灰雞子黃和傅之如成瘡用
白蜜封之以竹中膜貼上日二

湯火瘡 治湯火瘡取舊煮銀爐中燒過焦

黄土研細如粉以生薑調於帛上貼之痛止一方用
溶銀鍋子細末油調傳佳

千治火瘡未起梔子仁燒灰麻油和封之厚乃佳已

成瘡燒白糖灰粉傳之燥即瘡用白糖葛氏方

治湯火燒方

右用蕎麥麩炒黃色蜜水調傳如神

保生救苦散治火燒熱油所損或至肌肉亦脫一切

犬齧損傷并刀斧所傷用生寒水石不計多少為極

細末調塗之或乾上然不如油調其痛立止並不作

膿無分毫贅苦楚日近完復永無被傷風證

中正

水霜散 治火燒皮爛大痛

寒水石 生

牡蠣 燒

朴硝

青黛

輕粉 各等分

右為細末新水或水油調塗立止

治湯火所傷赤爛熱痛

赤石脂

寒水石

大黃 各等分

右為末以新汲水調塗傷處

治火燒

桐油

水銀 各等分

右二件以柳條不住手攪成膏再入大黃末石膏

湯火瘡

外科六

夏

末和以牛皮膠入少水溶開外用貓兒肚底毛細
剪摻上貼之

綠白散治湯熨火燒疼痛用苦參不拘多少為細末
每用以小油調搽

凡被傷熱油痛不可忍取廁下黑淤泥量傷大小斟
酌多少次以老薑汁麻油十分之二共研令勻搽傷

處立愈以青黛傳之亦妙
治湯火傷

大黃

黃芩

黃連

山梔子

黃礬

知母

貝母

蜜陀僧

乳香

沒藥

輕粉

甘草各等分

右為細末用鷄子清加蜜調不住手時時掃之

清涼膏 治湯潑火燒此藥止痛解毒潤肌生肉

梔子仁

黃連去鬚

白芷各貳錢半

生地黄貳兩

葱白拾莖

黃蠟半兩

清麻油肆兩

右細剉於油鐺中煎地黄焦黑色綿濾去滓澄清
却於鐺內入蠟慢火熬候蠟消傾於磁盒內用時
以鷄羽搨少許塗瘡上以瘡為度

麻子膏 治火燒人肉爛壞

麻子 壹合取 栢白皮

山梔子 碎 白芷

柳白皮 各貳兩 甘草

右剉細以猪脂壹斤煎三上三下去滓以塗瘡上

日三

黃檗散 治湯火傷

黃檗 大黃 朴硝

鷄子殼 寒水石 各等分

右為細末用水調塗極効

栢葉散 治湯火傷

栢葉

梔子仁 各壹兩

胡粉 研半兩

右為細末以羊髓五大合熔化和藥以木椎研三

五百徧一日三次塗之瘡

蛤粉散 治湯火傷

右以蛤蜊殼不拘多少炙焦黃色搗為細末用生

油調如膏傅之如永仍無痕一方以蜜水調傅之

疼立止不膿不痕吳內翰居鄉中隣家釜翻一小

兒自頭至踵皆傷急以傅之啼立止遂無恙唯纔

傷隨手用即効少緩即不及當須先合以備用耳

治湯火燒瘡

右以側柏葉入臼中濕搗令極爛如泥冷水調作膏傳傷處以帛子繫定三二十日瘡當斂仍滅癩一方燒灰存性為末以鷄子清調傳如乾再上或蜜調亦可或搗末以脂調塗瘡上乾即易一方以山栢子葉爛搗塗傳

治人向火生火斑成瘡有汁及治火氣入瘡

右用黃礬薄荷為末乾摻之即愈一方用黃礬皮為末摻之立愈薄荷煎塗亦可

補

治火瘡敗壞用雲母粉同生羊髓和塗之

經治湯火瘡至妙用劉寄奴為末先以糯米漿雞翎

掃傷處後搽藥末在上並不痛亦無痕大凡湯傷先用鹽末摻之護肉不壞然後傳藥又方以榆白皮末猪脂油塗瘡愈

世治火湯瘡先以酒洗次以楊梅樹皮為末香油調傳治湯火瘡用髮一束香油煎以髮盡為度放冷搽患處驗

精治中熱油及火燒除外痛以丹參捌兩細剉以水微調取羊脂貳斤煎三上三下以傳瘡上愈止痛膏治灸瘡及湯火傷日夜啼呼此藥止痛滅癩

松脂

羊脂

豬膏

黃蠟各壹分

右取松脂破鉢中切脂嚼蠟着松明上少填鉢內燒諸物皆消以杯盛汁傳之松明是肥松節也神効當歸膏 治湯火瘡初起癰漿熱毒侵展炊赤痛毒氣壅盛腐化成膿此藥斂口生肌拔熱毒止疼痛

當歸

黃蠟各壹兩

麻油肆兩

右將當歸入油煎令焦黑去滓次入黃蠟急攪化放冷以磁盒盛用時以故帛子攤貼一方用白蠟

紫雪

治湯盪火燒疼不可忍或潰爛成惡瘡

右用松樹皮燒灰貳錢瀝青壹分研為細末清油調傅濕則乾摻忌冷水洗日三一方不用瀝青以松樹皮陰乾為細末入輕粉少許生油調傅如傅不往絹帛縛定即生痂

治湯火傷

右用霜後芙蓉葉桑葉等分陰乾研為細末用蜜調塗傅之濕則乾摻

鷄黃油

治湯火傷

右用鷄子煮熟去白用黃於銀石鍋內炒乾再炒

湯火瘡

灸瘡

小斗

直待都化作油去火毒毛翎掃下入韶粉夜明沙
為末香油調傳濕則乾摻之

炎瘡 止痛生肌散 治灸瘡

牡蠣半兩 煨研 寒水石煨研 滑石研各 壹分

右為細末凡用之時切護爪甲勿令中風仍須洗
瘡令淨然後摻藥薄薄令徧以軟綿帛繫之候肌

生漸用栢皮膏

栢皮膏 治灸瘡久不瘥

栢樹白皮 伏龍肝各肆 兩 猪脂半斤 煉 為油

右同熬成膏濾去滓入磁器中每用時薄薄塗之

上以油紙隔軟帛裹

綠雲散 治灸瘡止痛

栢葉 芙蓉葉並端午日午時採 不拘多少陰乾

右為細末每遇灸瘡黑蓋子脫了即用水調少許
如膏藥攤楮紙上貼之養膿更無痛楚

四時貼護方 治灸瘡未着痂及出膿久不合者

春以柳絮 夏以竹膜 秋以新綿

冬以兔毛

右各隨時貼瘡上

內托黃芪丸 治鍼灸傷經絡流膿不止

湯火瘡

黃芪 捌兩

當歸 洗叁兩

肉桂 去皮

木香

乳香 另研

沉香 各壹兩

菘豆粉 肆兩

右為細末生薑汁煮糊為丸如梧桐子大每服伍拾丸不拘時白湯送下

諸蟲獸螫傷

通治聖惠治蛇咬蠍螫蟻咬妙

雄黃 叁錢

信 壹錢

阜角子

巴豆 各肆拾玖粒

耳塞

麝香 各火許

右五月五日不聞鷄犬婦人處不語搗為細末在杏子核內封之鉞挑出上痛處大有神効

世治一切蛇蟲傷貝母末酒調服効 詳見蛇咬 又方用

酥和鹽傅之 又方用益母草搗爛厚盒傷處 又

方用鵝糞傅之 又方用獨

蒜酸漿草搗傅傷處 又方用酒暖洗瘡上日三次

初段
用藥
敷貼

諸虫獸螫傷

小斗六

百五

又方紫蘇葉油浸塗傷處

山諸般惡蟲咬以油浸紫草塗之

丹治蛇咬蠶咬惡蟲咬猪膏搗汁傳陳藏器治狗咬

治山溪中沙虱射工等毒用葱小蒜茱萸煮汁浸或搗傳大効

治二十七穀蟲咬傷人及瘡腫者用麝香雄黃乳香礶砂各貳錢土蜂窩露蜂窩燒灰存性研細以醋調少許塗咬處或不能辨認疑是惡瘡三五日不療即毒入心難瘥忌雞魚油膩物

治蛇傷犬咬一切蟲毒用試劍草搗爛貼之

治蛇犬及狂狗咬用蚯蚓糞和鹽研傳神効

海治蠍蜘蛛蛇毒雞卵輕敲一小孔合咬處即瘥

又方先問被傷人是甚蟲傷即默念火德星君黑殺攝吹在傷處自然不痛 又方用艾炷於傷處灸三五壯拔去毒即愈

治毒蛇并射工沙虱等傷眼黑口噤手脚強直毒攻腹內成塊逡巡不救用蒼耳嫩葉一握研取汁溫酒和灌之將滓厚罨所傷處

簡治毒蛇射工沙虱等物傷着人眼黑口噤手足強直毒氣入腹用白礬甘草等分為細末每服貳錢冷

毒入腹者服藥

水調下

治諸蛇蟲傷毒用青黛雄黃等分新汲水調服貳錢
又方用蒼耳嫩葉一握搗汁温酒和飲滓厚傳傷
處口噤身强者灌之

治蛇犬咬即破傷風用荔枝草一握約叁兩以好酒
貳碗煎至壹碗服即睡出汗汗不止以温白粥補之
治惡蛇風犬傷用雄黃草撥細辛等分入麝少許為
末每服貳錢好酒調下

初傷 解毒 法

蛇咬治毒蛇傷急以小便洗出血次取口中唾塗
之又以牙近封傷處傳而護之甚妙且不痛腫山居云用

犬糞傳患 處亦佳 又方用好醋一二碗服令毒氣不隨血

之或飲清油一二盞亦可及以頭繩扎定傷處兩頭

次用白芷末半兩白水調服頃刻咬處黃水出盡腫

消 又方用白礬雄黃黃蠟等分丸如指頭大遇有

着傷燈上燒開滴傷處或以竹筒按上滴入則毒不

散

世路行卒被蛇咬當急扯裹脚帶扎縛傷處上下寸

許使毒氣不能倏傷肌體又急用白礬安刀頭火上

溶汁沸滴於傷處待冷以長篋子速挑去靨則毒血

隨出黯腫尚未退更滴之以退為度 村居山僻及

者只大校傷

小科六

編下

途中夜行卒被蛇傷咬難求白礬處速作艾炷灸五壯以唾調鹽塗之如黯腫尚未消釋當更灸更搽毒涎自然流出且不透裏傷入蜈蚣咬亦宜灸
世治一切毒蛇咬用透明雄黃研細末以醇酒濃調厚搽傷處水流出如涎痛腫即消一方以蔞苣汁和雄黃末作餅子候乾為末每用少許貼瘡口立効
行有人被毒蛇所傷已昏困有老僧以酒調藥貳錢灌之遂甦及以藥滓塗患處良久復灌貳錢其苦皆去問之乃五靈脂壹兩雄黃半兩同為末止此耳後有中毒者用之無不効驗 又方用乾薑雄黃等分

為末傳之兼辟蛇用絹袋盛繫臂上男左女右蛇聞氣遠避

世治毒蛇所傷

細辛 香白芷各伍錢 雄黃貳錢

右為末加麝香少許每服貳錢溫酒調服効

丹治一切蛇咬用香白芷嚼碎傳患處又用溫酒調

服効 水蓼搗汁飲滓傳傷處 櫻桃葉絞汁服滓

傳傷處

世治一切蛇蟲所傷用貝母為末酒調令病人盡量飲之頃久酒自傷處為水流出候水盡却以藥滓傳

瘡上卽愈。治蛇咬腫毒悶欲斃者用重臺陸分續
隨子陸顆去皮同爲細末以酒服方寸匕又以唾調
少許傳患處立安。崔氏海上方又方用白礬貳錢服之
防毒氣攻心。又方金線重樓以水磨少許傳咬處
又爲細末酒服之。又方用柏樹葉魚腥草地松節
皺面草草決明共一處研細傳傷處極佳。地榆生
絞汁飲及濃煎漬之半日愈。治蛇傷用馬蘭草卽
堦前菊生搗傳傷處亦解酒疸止鼻衄合金瘡。治
蛇咬瘡用蒜去皮壹升搗破以童便壹升煮三四沸
熱漬損處壹兩時初咬未腫卽嚼蒜封之六七易

又方用蒜壹升乳貳升煮爛空腹頓服以飯壓之次
日依前再服

治諸惡蟲蛇螫用地菘搗傳之
海治蛇虺咬入以獨頭蒜酸漿草搗汁傳咬處佳
海治蛇咬男子陰毛口含二十莖嚙其津毒不入腹
世治諸般蛇咬此傳之於擒蛇者藥味不全亦可

- 大青
- 小青
- 青木香
- 烏柏葉
- 火炊草
- 山蕨荈
- 過山龍
- 地蜈蚣
- 天門冬
- 白芍藥
- 香薷

右細末用白木香研細生白酒調服查蚤咬處累
効

聖治蛇咬毒食菜萹壹兩為細末冷水調分為二服
立瘥

丹治蛇毒喫菘蔣艸根灰取以封之其草即野茨白
是也廣濟方蛇咬作瘡暖酒浸日三次絲瓜根搗

生酒飲醉立愈治蛇傷用小青一握細研入香白
芷半兩酒調服却以手捻患處候黃水出為効毒

蛇傷入目黑口噤毒氣入腹以甘草白礬等分末之
冷水調下貳錢蒜壹升乳貳升煮食仍煮童便熱瀆

之麻油米醋並急飲貳盃毒即散大糞塗之

頭垢耳塞并泥蚯蚓糞和搗塗咬處黃水出愈一

方加白丁香

蛇咬忌食酸物梅子犯之大痛

蛇入人口并七孔中者割猪母尾頭瀝血着口中并
孔口上即出

聖治因熱取涼睡有蛇入口中挽不出者用刀破蛇
尾内生椒二三粒裹着即出

治卒為蛇繞不解以熱湯淋之無湯令人尿之

蜈蚣咬治蜈蚣咬生雞血傅上立愈累効一男子為

人蛇繞

口蛇入

者虫快落高

小斗六

百四九

蜈蚣入咽喉中咬之垂死之際一醫令殺生雞血乘
熱灌喉中蜈蚣即出而愈實良方也 又方用雞糞
塗之 又方治蜈蚣諸毒蟲傷麻油點燈於瘡口上
對口熏之登時愈 又法大油紙燃燒燈吹滅以餘
煙燂之亦治蠍及諸毒傷 治蜈蚣咬竹葉清研汁
傳之立愈 又方用南星磨汁傳之累効 蜈蚣草
曬乾爲末入鹽少許水調傳患處能解諸毒
梅治蜈蚣咬痛不止獨頭蒜磨螫處立愈
聖治蜈蚣咬方用蝸牛拵取汁滴入咬處
孫蜈蚣咬取蜘蛛壹枚安咬處當自飲毒如蜘蛛死

而痛未止更易生者

丹蜈蚣咬嚼鹽傳其傷處次以鹽湯洗之梅師方 蜈
蚣咬頭垢塞之不痛則痒 治蜈蚣咬及諸蟲咬毒
先用鞋底土擦之用大蒜小蒜桑葉罨傷處如無用
油鼓盪傷處或藍靛塗罨之亦効 治蜈蚣毒蟲咬
用桑枝汁同鹽擦痛處或溶黃蠟滴患處肉黑爲度
又方用皂角於咬處上用艾炙熱去之効 用生
薑汁調雄黃水傳 又方灰莧葉擦其痛即止 又
方燈草蘸香油點煙熏之 又方凡被傷急以手指
於地上乾處畫王字內撮土摻在咬處即愈 又方

用耳塞少許塗咬處疼即止 又方用菜薹嚼爛擦之 又方用生薑汁調蚌粉搽

蠼螋 治蠼螋尿成瘡初如粟漸大如豆如火燒泡

大痛者速以草茶細末生油調傳瘡上立止甚妙

猪膏每搗汁傳之 草茶即茶茗也 治兩點蠼螋瘡用百合搗爛入

鹽少許傳之効

干治 蠼螋尿人影着便令人病瘡如粟粒疊疊痛似

刺蟲所螫惡寒壯熱用犀角磨汁塗之則愈

世 蠼螋蟲又名八脚蟲隱壁間以尿射入徧身生瘡

如湯火傷用烏雞翎毛燒灰雞子白塗之 治小兒

蠼螋咬透腹匝即效用梨葉研爛傳之

食蠼螋尿瘡鹽參升水壹斗煮取陸升以綿浸湯淹

瘡上

蠼螋 雄黃消毒膏 治蝎螫不可忍

雄黃 信各半 巴豆叁錢

白礬生壹兩

右為細末黃蠟半兩溶開入藥攪勻為錠子如棗子大用時將錠子熬於燈焰上炙開滴於螫着處其痛立止

潔一上散 治蝎螫痛

諸般火燒瘡

外科六

卷之三

半夏

壹字生用 為細末 雄黃 壹字 另研

巴豆

壹箇去皮 研如泥

右三味同研和勻上之

治蝎毒用溶化白礬乘

熱滴傷處痛止毒出

廣治蝎螫人研蜘蛛汁傳之瘥

山蝎螫苦蕒汁塗之

世治蝎螫地磨生薑塗之 又方南星米醋調擦之

人參嚼封之 白礬半夏等分為末醋調貼痛止毒

出 又方用葱白切壹片厚貳分置螫處灸三五

蜂螫治蜂螫薄荷貼之瘥 人參嚼封之 以酥傳

之 醋磨雄黃塗 蜂房末豬脂調傳前湯洗子 亦得奇 黃

蜂螫熱酒洗之立効 又方清油搽之愈

張薦昔在劍南為張延賞判官忽被班蜘蛛

咬項上一宿咬處有二道赤色細如筋繞項上從肩

前至心經一宿頭面腫疼如數升益大肚漸腫幾至

不救張相素重薦因出家財五百千并薦家財五百

千募能療者忽一人應召云可治張相初不甚信欲

驗其方遂令目前合藥其人云不惜方當療人性命

耳遂取大藍汁一甕碗取蜘蛛投入藍汁良久方出

甚困不能動又別搗藍汁復加麝香雄黃和之更取

一蜘蛛投汁中隨化為水張相及諸人甚異之遂令

點於咬處兩日內悉愈但咬處作小瘡痂落如舊

海蜘蛛咬遍身成瘡用青葱葉一莖小頭作一孔盛

蚯蚓一條捏兩頭不令透氣搖動化為水點咬處瘡

治蜘蛛瘡用羊乳傅其上或用清油搽之即安

丹蜘蛛咬處嚼韭白傅之

山蜘蛛等諸般蟲咬用葛粉生薑汁調傅

經蜘蛛咬唾和山豆根末塗之狗咬虬蟬瘡蛇咬並

水研山豆根傅之虬蟬脂切虬蟬又方蜘蛛咬一

身生絲羊乳一件飲之 灰藿搗碎和油傅之

天中秦皮一味治天蛇毒此瘡似癩而非癩也天

蛇即草間黃花蜘蛛人被其螫仍為露所濡乃成此

疾以秦皮煮汁一斗飲之瘥

壁鏡大如知蛛而形扁斑色八足咬毒人必死用桑

柴燒灰水煎三四沸濾汁傅瘡上無治蛇毒 又方

雄黃醋磨搽妙 又方太黃研醋煮水塗妙

刺毛蟲傷春夏月樹下牆墻間有一等雜色毛蟲極

毒凡火觸着者則放毛入人手足上自皮至肉自肉

至骨其初皮肉微痒以漸至痛經數日痒在外而痛

在內用手抓搔或痒或痛必致骨肉皆爛有性命之

憂此名中射工毒諸藥不効用好豆豉約一碗清油

半盞拌鼓搗爛厚傳痛痒處經一時久鼓氣透骨則引出蟲毛紛紛可見取下豆豉埋在土中煎香白芷湯洗痛處如肉已爛用海蝶蛸即烏賊魚骨為末傳之愈 一方取蒲公英根莖白汁傳之立瘥 又方用鍋底黃土為末以酸醋捏成團於痒痛處搓轉其毛皆出在土上痛痒立止神效無比黃土即伏龍肝也 按治刺螫傷無如甘草妙口內細嚼傳之即時瘡今蘇州虎丘山下民家皆以種植樹木為生周十里內無刺螫乃時用甘草汁灑樹故也

蚯蚓傷治蝮蟻吹用老茶葉細末調傳

舟治蚯蚓咬如大風狀眉鼻皆落夜則蚯蚓鳴於身上膿作鹽湯浸數次安傳信方 衍昔有病腹大夜聞蚯蚓鳴於身有入教用鹽水浸之而瘡

蝮蝨咬治蝮蝨咬用榭葉燒灰細研以泔別浸榭葉取洗瘡拭乾納少許灰於瘡中 又方治蝮蝨咬入用石灰醋和塗之

蠶咬用麝香研蜜調傳 又方用芋根搗汁飲塗若

辛近蠶種則蠶不生

犬咬犬咬人屎傳之 犬咬人以頭垢傳傷處又用

諸般火傷

一五五

言曰善毒藥也
熱牛糞塗於外肘後方

行犬傷人用杏仁量所傷大小嚼爛沃破處以帛繫
定立瘥

世治犬咬用杏仁去皮尖同馬蘭根研細先以葱湯
洗後以此藥塗傷處効
治犬咬傷用草麻子五十
粒去殼以井水研成膏先以鹽水洗咬處次以此膏
傅貼一方用虎骨屑傅之治犬咬人不要洗用
紅炭火以物擊細待冷取塗咬處即愈
治犬咬用
黃荊葉搗齏瘡上即安
又方炙生薑乘熱擦之尤
嫩
又方靛青和牛糞塗

舟狗咬用紫蘇葉口嚼碎塗之
犬咬破傷風腫以
人參於桑柴火上燒成灰末傅之安

羅蟬花散
治夏月犬傷及諸般損傷蛆蟲極盛臭
惡不可近者

蛇退皮壹兩火燒存性蟬殼
青黛各半兩
細辛貳錢伍分

右為細末每服參錢酒調下如六畜損傷成瘡用
酒灌下如犬咬傷用醇子和喫蛆皆化為水蠅子
不敢再落又以寒水石末乾摻上

癩犬咬定風散
治風犬咬先口嚼漿水洗淨用綿

治風犬咬先口嚼漿水洗淨用綿

拭乾貼藥更不再發大有神効

天南星生 防風各等

右為細末乾上更不再發無膿効不可具述

丹治犬咬梔子皮燒灰石硫黃等分研細傅瘡梅師方

世治風狗咬用桃核殼半箇將野人乾糞填滿以榆

皮蓋定罨於傷處又用艾於桃核上灸十四壯即愈

永不再發或用野犬糞 又方艾灸傷處五七壯

山風狗咬即用犬糞塗仍拔去頂上紅髮

世癩狗咬方用蟹螯七枚去頭足翅以糯米少許於

新瓦上同炒以米黃香為度去采不用以蟹螯研碎

好酒調下能飲人再進酒一杯傷在上食後服在下

空腹服當日必有毒物從小便出如小狗狀如未下

次日再進亦不下又進以毒物出為度若進至七服

雖不下毒亦不妨矣服藥後腹中必不安小便莖中

刺痛者不必慮此毒受攻將下耳痛甚者以蕪青一

匙煎甘草湯送下即止如無蕪青青黛亦可疾愈後

急以香白芷多雄黃少許為末搗韭根自然汁湯酒

調下去蟹螯毒以水淨漱口嚼生葱白罨傷處留小

竅子出毒氣不可用他草藥罨忌犬豬羊及發風毒

物小兒量歲數加減蟹螯食癩狗肉致病者治同即

諸般火毒毒馬 小兒下

愈或過一二十年再發治如前 治癩狗所傷用蟹螯
貳拾壹箇去頭翅并足用糯米壹斗先將柴箇入米
內微火炒不令米赤去此蟹螯別用柴箇再於前米
內炒令蟹螯色變復去之又別用柴箇如前法炒以
米出青煙爲度去蟹螯不用以米研爲粉用冷水入
清油少許空心調服頃又再進一服以小便利下惡
物爲度如不利再進一服利後腹肚疼痛急用冷水
調青靛服之以解其毒否則有傷或煎黃連水亦可
不宜便食熱物或以益元散水調服尤妙 又方用
米泔洗淨以沙糖塗之後用益元散肆兩蟹螯拾肆

箇去頭翅足同煎空心溫服 又方用雄黃伍錢麝
香伍分研勻酒調貳錢服下去惡物再服得睡莫驚
覺或經久復發亦宜服此
世風狗咬取小兒胎髮炒香傳野菊花研細酒調服
盡醉止効 又方韭菜根搗汁一二盞服 又方桃
白皮一握水貳盞煎壹盞服
世治癩犬所傷或經久復發無藥可療者用之極驗
雄黃色極明者伍錢 麝香伍分
右研勻用酒調貳錢服如不肯服者則燃其鼻而
灌之服藥後必使得睡切勿驚起任其自醒候利

諸虫狀發毒物

五七

下惡物再進前藥則見効矣

丹癡犬咬入搗地黄汁飲之并塗瘡口愈 又方煮

地榆汁飲之無細末傅瘡上服方寸七日忌酒若

瘡瘻者搗生韭汁飲一二升梅師肘風犬咬後毒

發如狗叫聲於化人壇拾頭頂骨燒末傅之 風狗

咬毒發如狗叫者百方不治以人骨燒末之水下方

寸七雖煩亂者亦治梅師 膽礬為末貼瘡立愈

馬咬細嚼栗子傅傷處 又方用益母草細切和醋

炒封之 毒入心馬齒莧湯飲之瘡

鼠咬用貓兒毛燒灰傅之 貓糞填咬處 麝香末

傅包之

人咬龜甲或鼈甲燒為灰末之香油調傅

虎咬用野生菜搗爛塞所傷孔中滿不必換自然新

肉長出而愈曾有人被咬已成用此方治之

丹熊虎傷毒痛煮生鐵令有味以洗之肘後 虎傷

入瘡取青布緊捲燒一頭內竹筒中射瘡口令煙熏

入瘡口中佳梅師 清油洗瘡口仍喫清油壹碗

又方用乾葛濃煎湯洗 又方用沙糖水調塗仍服

沙糖水壹兩碗

世虎傷入瘡用莓子葉杵細塗之按本神莓子葉即

咬傷

熊咬熊傷入燒青布熏瘡中毒出仍煮葛根濃汁以洗之日十次并搗葛根為散煮葛根汁方寸七日五服瘥

驢涎馬汗瘡驢涎馬汗入瘡腫漸甚可急治之遲則毒深不治以生烏頭末傅瘡口上良久黃水出立安世治驢涎馬汗入瘡用遠志去心為末酒調塗又方用冬瓜青皮陰乾為末貼瘡上又方馬汗入肉毒氣引入如紅線者急用烏梅肉嚼爛塗瘡上丁方用烏梅和核爛研用好醋和成膏先將瘡口針破

出盡紫紅血拭乾傅上以帛縛定 王氏治驢涎馬汗毒所傷白礬飛過黃丹炒令紫色各等分相裏合以貼患處

孟馬齒竟又主馬毒瘡以水煎令服一升一半塗瘡上濕癬白禿以馬齒膏和灰塗効

上野

外系六

真

寛文十三年癸丑仲秋吉辰

銅駝坊書肆

村上平樂寺刊行

